

ごとくにわきあがるとをくしてのぞめば常に煙火のごとし、宿雪はるなつきえず、山のこしよりしも腹のもとにとまり達することえず、白沙のながれくだる故也、廣言がなるさの義は、このながれくだる白沙の心歟、ふじのなるさはといふべからず。

〔常陸國風土記〕古老曰、昔祖神尊巡行諸神之處、到駿河國福慈岳、卒遇日暮、請欲寓宿、此時福慈神答曰、新粟初嘗、家内諱忌、今日之間、冀許不堪、於是祖神尊恨泣誓告曰、即汝親何不欲宿、汝所告山生涯之極、冬夏雪霜、冷寒重襲、人民不登、飲食勿奠者、更登筑波岳、亦請容止、此時筑波神答曰、今夜雖新粟嘗、不敢不奉尊旨、爰設飲食、敬拜祇承、於是祖神尊歡然謂曰、愛乎我胤巍哉神宮、天地並齊、日月共同、人民集賀、飲食富豐、代代無絕、日日彌榮、千秋萬歲、遊樂不窮者、是以福慈岳常雪不得登臨、其筑波岳往集歌舞飲喫、至于今不絕也、已下略之

〔和漢三才圖會山 十六〕富士山○中

相傳孝靈帝五年始見矣、蓋一夜地拆爲大湖、是江州琶湖也、其土爲大山駿州之富士也、國史等無  
疑、四時有雪、絕頂有烟、江州三上山自資溢成、故形略似富士、

秦徐福入蓬萊山者、卽當山也、當時孝靈而後役小角始入當山蹊徑焉、雖屬駿州、鳥居面甲州地也、○中略

平城天皇大同元年、山上本宮社建、凡每年六月多登山、則百日浴水潔齋也、惟江州人則七日潔齋而登、亦所以有因緣矣、其山砂多故隨人而砂流下、夜則却砂上如舊、一山多有櫟木、○中接俗傳、謂琶湖土爲富士山者妄也、駿江相去百有餘里、何能撻之乎、忽然山生、或海涌者、不可訝、異國亦有東國通鑑云、高麗穆宗十一年、宋景德四年、有山湧于耽羅海中、朝鮮之南、其始出也、雲霧晦冥、地動如雷、七晝夜始開霽、山高可百餘丈、周圍可四十餘里、無草木、煙氣寡其上、望之如石硫黃、遣大學博士甲拱之視

之至山下、圖其形以進、

〔皇代記〕孝靈五年、近江湖水始溝、富士山始出、